



欽定續通典卷七

食貨

鄉黨版籍

職役附

五代宋

遼金元

臣等謹按杜典食貨立鄉黨版籍一門而所載徐

偉長中論齊高帝建元之詔皆及職役今考宋以

後各史及歷朝會要會典諸書凡鄉黨里保雖代

異其制而必兼職役焉故以職役附於鄉黨版籍

以補杜氏之未備云

周世宗顯德五年詔諸道州府令團併鄉村大率以百

欽定續通典

卷七

一

戶爲一團每團選三大戶爲耆長凡民家之有奸盜者

三大戶察之民田之有耗登者三大戶均之仍每及三

載卽一如是

宋因前代之制有衙前里正戶長者長太宗太平興國

七年令兩京諸州應部民有乏種及耕具人丁者許衆

共推擇一人練土地之宜明種植之法者縣補爲農師

相視田畝及五種所宜卽令鄉三老里胥與農師周勸

各民於曠土種蒔俟歲熟共取其利爲里農師者蠲稅

免其他役淳化五年令諸縣以第一等戶爲里正第一

等爲戶長勿冒名以給役然自承平旣久奸僞滋生命官形勢占田無限皆得復役衙前將吏得免里正戶長應役之戶困於繁數僞爲券售田於形勢之家假佃戶之名以避徭役仁宗慶厯中委二府大臣裁減科役不均以鄉村坊郭戶均差王逵爲荆南轉運使率民輸錢免役得緡錢三十萬由是他路競爲掎克知并州韓琦上疏曰州縣生民所苦無甚於里正衙前每鄉被差疎密與貲力高下不均假有一縣甲乙二鄉甲鄉第一等戶十五戶計貲爲錢三百萬乙鄉第一等五戶計貲爲

錢五十萬番休遞役富者休息有餘貧者敗廢相繼豈朝廷爲民父母意乎請罷里正衙前命轉運司以州軍見役人數爲額令佐視五等簿通一縣計之籍皆在第一等選貲最高者一戶爲鄉戶衙前後差人放此卽甲縣戶少而役繁乙縣戶多而役簡者簿未盡實聽換取他戶里正主督租賦請以戶長代之二年一易下其議京畿河北河東陝西京東西轉運使度利害皆以爲便而知制誥韓絳蔡襄極論江南福建里正衙前之弊絳請行鄉戶五則之法襄請以產錢多少定役重輕至和

中命絳襄與三司參定繼遣尚書都官員外郎吳幾復趨江東殿中丞蔡稟趨江西與長吏轉運使議可否因請行五則法凡差鄉戶衙前視貲產多寡置籍分爲五則又第其役輕重放此於是立法下三司頒焉自罷里正衙前民少休息至神宗熙寧時王安石爲相又設保甲之法籍鄉村之民十家爲保保丁皆授其弓弩教之戰陣叅知政事呂惠卿及其弟曲陽縣尉和卿皆請行手實法其法官爲定立田產中價使民各以田畝多少高下隨價自估仍稅屋宅分有無蕃息立等將造簿預

具式示民令依式爲狀縣受而籍之以其價列定高下分爲五等旣該見一縣之民物產錢數乃叅會通縣役錢本額而定所當輸明書其數使衆悉知之詔從其請於是司農寺乞廢戶長坊正令州縣坊郭擇相鄰戶三二十家排比成甲迭爲甲頭督輸稅賦苗役一稅一替其後諸路皆言甲頭催稅未便遂詔耆戶長壯丁仍舊募充其保正甲頭丞帖法並罷哲宗元祐中殿中侍御史劉次莊言近制許雇耆戶長須三等已上戶不知三等已上戶不願受雇郡縣仍用差法不若立法明差之

爲便繼又定制鄉差役人有應募者可以更代卽罷遣之許借坊場河渡及封椿錢以爲雇直耆戶長壯丁召雇不得以保正保長保丁充高宗紹興初叅政李回言於帝曰前詔官戶役錢勿減半民戶役錢概增三分官給庸錢以募戶長及立保甲未幾廢保甲起推割推排之制民間纖微細瑣皆得籍之唯江之東西以畝頭計稅不待推排保正長之立也五家相比五伍爲保十大保爲都保有保長有都副保正餘及三保亦置長五大保亦置都保正其不及三保五大保者或爲之附歷或

欽定續通典

卷七

四

爲之均并戶則以物力之高下爲役次之久近凡差役皆當因時制宜其應免應募毋膠前制云云置長五大遼聖宗統和三年樞密奏契丹諸役戶多困乏請以富戶代之上因閱諸部籍有二部戶少而役重者併量減之興宗重熙八年北院樞密使蕭孝穆請籍天下戶口以均徭役由是通括戶口政賦稍平云云置長五大金制以民戶內有物力者爲課役戶無者爲不課役戶令民以五家爲保太宗天會三年禁内外官及宗室毋得私役百姓權勢家不得買貧民爲奴世宗大定二年

詔免二稅戶爲民遼時以良民賜諸寺分其稅一牛金輸官一半輸寺故謂之二稅戶

制又倣周禮大司徒三年一大比作通檢推排之法是

時承正隆師旅之後民之貧富變更賦役不均世宗下

詔曰粵自國初有司常行大比正隆時兵役並興調發

無度富者今貧不能自存版籍所無者今爲富室而猶

幸免是用遣信臣秦寧節度使張宏信等十三人分路

通檢天下物力而差定之以革前弊俾元元無不均之

嘆以稱朕意凡規措條理命尚書省畫一以行又命凡

監戶事產除官所撥賜之外餘凡置到百姓有稅田宅

欽定續通典

卷七

皆在通檢之數五年有司奏諸路通檢不均詔再以戶

口多寡貧富輕重適中定之既而又定通檢地土等第

稅法十五年以上以天下物力自通檢以來十餘年貧富

變易賦調輕重不均遣濟南尹梁肅等二十六人分路

推排後又制明安穆昆戶科差之法均其貧富及量其

奴婢之多寡定之詔宰臣明安穆昆多新強舊弱差役

不均其令推排當自中都路始二十二年詔令集耆老

推貧富驗土地牛具奴婢之數分爲上中下三等以同

知大興府事完顏烏林先推中都路續遣戶部主事詣

達等十四人與外官同分路推排後或推排通檢之法
舉行不一章宗泰和六年以舊定保伍法有司滅裂不
行其令結保有匿奸細盜賊者連坐宰臣謂舊以五家
爲保恐人易爲計搆而難覺察令從唐制五家爲隣五
隣爲保以相檢察京府州縣郭下則置坊正村社則隨
戶衆寡爲鄉置里正以按比戶口催督賦役勸課農桑
村社三百戶以上則設主首四人二百戶以上三人五
十戶以上二人以下一人以佐里正禁察非違置壯丁
以佐主首巡警盜賊明安穆昆部村寨五十戶以上設

寨使一人掌同主首寺觀則設綱首凡坊正里正以其
戶十分內取三分富民均出雇錢募強幹有抵保者充
人不得過百貫役不得過一年凡戶口計帳三年一籍
自正月初州縣以里正主首明安穆昆則以寨使詣編
戶家責手實具男女老幼姓名以實轉報縣申州再達
上司到部呈省凡漢人渤海人不得充明安穆昆戶明
安穆昆之奴婢免爲良者止隸本部爲正戶凡籍官良
人隸官籍爲監戶籍官奴婢隸太府監爲官戶七年赦
申物力戶有役則多逃避有司令以次戶代之事畢則

復業以致大損不逃之戶令省臣詳議宰臣奏舊制太輕遂命課役全戶逃者徒二年賞告者錢五萬如實銷乏者內從御史臺外從按察司體究免之宣宗貞祐三年河北民遷徙河南者甚衆侍御史劉元規上言僑戶宜與土民均應差役上留中而自以其意問宰臣丞相布薩端平章穆延盡忠以爲便尚書左丞賈益謙曰僑戶應役甚非計也河北人戶避兵而來稍息卽歸今旅寓倉皇之際又與地著者並應供億必騷動不能安居上甚嘉賞興定五年省官隨處土民久困徭役客戶鬻販坐獲厚利官無所歛亦宜稍及客戶以寬土民從之元太宗時耶律楚材條便宜事言中原之地財用所出宜存恤其民州縣非奉上命不得擅行科差世祖至元七年令縣令所屬村疇凡五十家立一社擇高年曉農事者爲之長增至百家別設長一員不及五十家者與近村合爲一社地遠人稀不能相合各自爲社者聽其合爲社者仍擇數村之中立社長官司長以教督農桑爲事凡種田者立牌櫛於田側書某社某人於其上社長以時點視勸誠不率教者籍其姓名以授提點官責

之其有不敬父兄及兇惡者亦然仍大書所犯於門俟其改過自新乃毀如終歲不改罰其代充本社夫役社中有事不能耕種者衆爲合力助之一社之中多事者兩社助之凡爲長者復其身郡縣官不得以社長與科差事十年令特默齊隨處列社與編民等十三年詔民之蕩析離居及僧道漏籍諸色人不當差役者萬餘人充貴徹後又詔京師勢家等皆與民均役焉英宗至治三年詔行助役法遣使考視稅籍高下出田若干畝使應役之人更掌之收其稅租以充役用官不得與時浙

欽定續通典

卷七

八

右苦於徭役民充坊里正者皆破家朝廷令行省召八郡集議便民之法杭州總管趙璉獻議以屬縣坊正爲雇役里正用田賦以均之民稱其便泰定帝泰定二年命江南民戶有田一頃之上者於所輸稅外每頃量出助役之田具書於冊里正以次掌之歲收其租以充助役之用凡寺觀田除宋舊額其餘亦驗其多寡令出田助役民賴以不困呂思誠爲樞縣令差民力爲三等均其徭役又刻孔子像令社學事之印識文簿畀社長記其善惡季月報縣不孝弟不事生業者罰其輸作

明太祖洪武十四年詔天下編賦役黃冊以一百十戶爲一里推丁糧多者十戶爲長餘百戶爲十甲甲凡十人歲役里長一人甲首一人董一里一甲之事先後以丁糧多寡爲序凡十年一週曰排年在城曰坊近城曰廂鄉都曰里里編爲冊冊首總爲一圖其諸不能任役者附十甲後爲畸零僧道給度牒有田者編冊如民科無山者亦爲畸零有司定其冊凡四一上戶部其三則布政使府縣各存一焉上戶部者謂之黃冊進呈送後湖東西二庫度藏之歲命戶科給事中一人御史一人

欽定續通典

卷七

九

戶部主事四人釐校訛舛其後黃冊祇具文有司徵稅編徭則自爲一冊凡戶三等曰民曰軍曰匠以其業著籍人戶以籍爲斷禁數姓合戶附籍漏口脫戶許自實里設老人選年高爲衆所服者導民爲善平鄉里爭訟其人戶避徭役者曰逃戶饑年或避兵他徙者曰流民有故而僑於外者曰附籍朝廷所移民曰移徙凡逃戶明初督令還本籍復業賜復一年其不能歸與不願歸者令在所著籍授田輸賦英宗正統時造逃戶周知冊核其丁糧凡流民初令勘籍編甲互保屬所在甲長管

轄之憲宗成化初荆襄寇亂流民百萬項忠楊瞻爲湖廣巡撫下令逐之祭酒周洪謨著流民說引東晉時僑置郡縣之法使近者附籍遠者設州縣以撫之都御史李賓上其說命原傑出撫招流民十二萬戶給閒田置鄖陽府立上津等縣統治之凡附籍者正統時令家屬離籍千里者許收附不及千里者發還景泰中令民籍者收附軍匠竈役冒民籍者發還其移徙者明初戶部郎中劉九臯言狹鄉之民遷于寬鄉可使地無遺利太祖採其議屢有遷徙永樂中又遷太原諸郡之民以實

北平焉至明代役法洪武初造黃冊成以上中下戶爲三等凡應役者編第均之銀力從所便曰均徭他雜役曰雜泛二十六年定各處三等入戶仍開軍民竈匠等籍除排年里甲依次充當外其大小雜泛差役各照所分上中下三等入戶點差景泰元年令里長戶下空閒人丁與甲首戶下人丁皆同差成化十五年令各處差徭戶分九等門分三甲凡有差派定民輸納然上供京畿主納爲中官留難不易中納徃復改買其弊甚多且役民自里中正辦外如糧長解戶名色甚繁因事僉編

嘉靖後行一條鞭法通計一省丁糧均派一省徭役於是均徭里甲與兩稅爲一小民得無擾而事亦易集然糧長里長名罷實存條鞭規制漸紊不能盡遵也明中葉以後工役日煩京營之兵悉爲所役軍政皆廢弛云

食貨

三 賦稅上

唐 五代

宋

唐憲宗時分天下之賦以爲三一曰上供二曰送使三曰留州宰相裴垍又令諸道節度觀察調費取於所治州不足則取於屬州而屬州送使之餘與其上供者皆輸度支後討淮西判度支楊於陵坐饋運不繼貶以司農卿皇甫鎛代之由是益爲刻剝司農卿王遂京兆尹李愬號能聚歛乃以爲宜歛浙西觀察使予之富饒之

欽定續通典

卷八

一

地以辦財賦鹽鐵使王播言劉晏領使時自按租庸然後知州縣錢穀利病虛實乃以副使程異巡江淮覈州府上供錢穀至江淮得錢百八十五萬買穆宗卽位姑息戎臣武卒多非時賞賜饋運不能給帛粟未至而諸軍或彊奪於道蓋自建中定兩稅而物輕錢重民以爲患至是四十年當時爲絹二匹半者今爲八匹大率加三倍豪家大商積錢以逐輕重故農人日困未業日增帝亦以貨輕錢重民困而用不充詔有司議革其弊而議者多請重挾鋸之律戶部尚書楊於陵奏王者制錢

以權百貨買遷有無通變不倦使物無甚貴甚賤其術非他在上而已何則上之所重人必從之古者權之於上今索之於下昔散之四方今藏之公府昔廣鑄以資用今減鑪以廢功開元中天下鑄錢七十餘鑪歲盈百萬今纔十數鑪歲僅十五萬而已大厯以前淄青太原魏博雜鉛鐵以通時用嶺南雜以金銀丹砂象齒今一用錢貨故錢不足宜使天下兩稅權酒鹽利上供及留州送使錢悉輸以布帛粟穀則人寬於所求然後出內府之所積收市廛之滯廣山鑄之數限邊裔之出禁私

家之積則貨日重而錢日輕矣宰相善其議由是兩稅留州皆易以布帛絲纈租庸課調不計錢而納布帛唯鹽酒本以權率計錢與兩稅異不可去錢太和九年以天下回殘錢置常平義倉本錢歲增市之非遇水旱不增者判官罰俸書下考文宗嘗召監倉御史崔虞問太倉粟數對以二百五十萬石帝曰今歲用廣而蓄少奈何乃詔出使郎官御史督察州縣糴過錢穀者時豪民侵墮產業不移戶州縣不敢徭役而征稅皆出下貧至於依富爲奴客役罰峻於州縣長吏歲輒遣吏巡覆田

稅民苦其擾宣宗以後四方兵興役重賦繁公私俱困
竭矣初乾元末天下上計百六十九州戶百九十三萬
一百三十四不課者百七十萬四千五百九十二口千
六百九十九萬三百八十六不課者千四百六十一萬
九千五百八十七減天寶戶五百九十八萬二千五百
八十四口三千五百九十二萬八千七百二十三元和
中供歲賦者浙西浙東宣歙淮南江西鄂岳福建湖南
八道戶百四十四萬比天寶開元四之一兵食於官者
八十三萬加天寶三之一通以二戶養一兵京西北河

欽定續通典

卷八

三

北以屯兵廣無上供至長慶中戶三百三十五萬而兵
九十萬率三戶以奉一兵至武宗卽位戶二百一十一
萬四千九百六十會昌末戶增至四百九十五萬五千
一百五十一宣宗旣復河湟天下兩稅榷酒茶鹽錢歲
入九百二十二萬緡歲之常用率少三百餘萬有司遠
取後年乃濟及羣盜起諸鎮不復上計云

後唐莊宗同光三年敕城內店宅園囿比來無稅頃因
僞命遂有配徵後來以所徵物色添助軍裝衣賜將令
通濟宜示矜蠲今據繁慢去處於見輸稅絲每兩作三

等酌量納錢其絲仍與除放吏部尚書李琪上疏謂救
入瘼者以重斂爲病源料兵食者以惠能爲軍政伏惟
深留宸鑒如以六軍方闕未可輕徭兩稅之餘猶須重
斂則但不以折納爲事一切以本色輸官又不以紐配
爲名止以正稅加納天下幸甚敕本朝徵科唯配有兩
稅至於折納本不施爲宜依李琪所論應逐稅合納錢
物斛斗鹽錢等宜令租庸司指揮並準元徵本色輸納
明宗天成四年戶部奏三京鄴都諸道州府逐年所徵
夏秋稅租兼折徵諸般錢穀等徵條流所有各處節候
欽定續通典

卷八

四

早晚以差等作期納足長興三年三司奏請諸道上供
稅物充兵士表賜不足其天下所納斛斗及錢除支贍
外請依時折納綾羅絹帛從之

晉高祖天福四年敕應諸道節度刺史不得擅加賦役
及於縣邑別立監徵所納田租委人戶自量自槩

周世宗顯德三年敕應天下今後公私織造到絹帛紬
布綾羅錦綺及諸色匹帛其幅尺斤兩並須合向來制
度不得輕弱假爲妄冒取價又敕舊制織絕絹布綾羅
錦綺紗縠等幅其幅濶俱有準制來年所納官絹斤兩

不得差誤
宋制歲賦之類有五公田之賦凡田之在官賦民耕而收其租者民田之賦百姓各得專之者城郭之賦宅稅地稅之類丁口之賦百姓歲輸身丁錢米雜變之賦牛革蠶鹽之類太祖建隆四年令諸州受民租籍不得稱分毫合餽銖釐絲忽錢必成文絹帛成尺粟成升絲絲成兩薪蒿成束金銀成錢開寶三年詔諸州府兩稅所科物非土地所宜者不得抑配八年詔今後民輸稅紬絹不滿匹者許計丈尺納價錢毋得以三戶五戶聚合

欽定續通典

卷八

五

成匹送納煩擾真宗大中祥符元年以連歲豐稔邊儲有備河北諸路賦稅並聽於本州軍輸納二年頒幕職州縣招徠戶口旌賞條制九年詔諸路支移稅賦勿至兩次仍許以粟麥蕎菽互相折輸凡歲賦穀以石計錢以緡計帛以匹計金銀絲絲以兩計粟秸薪蒸以圍計他物各以數計至道末總七千八十九萬三千自唐以來民計田輸賦外增取他物復折爲賦謂之雜變亦謂之沿納名品煩細其類不一官司歲附帳籍並緣侵擾民以爲患仁宗明道中詔三司以類併合於是悉除諸

名品併爲一物夏秋稅第分粗細二色百姓便之諫官
王素奏天下田賦輕重不等請均定歐陽修亦言秘書
丞孫琳嘗往洛州肥鄉縣與大理寺丞郭諮以千步方
田法括定民田願詔二人者任之三司亦以爲然且請
擇諸州之尤不均者均之於是遣郭諮往蔡州括一縣
得田二萬六千九百三十餘頃均其賦於民後以州縣
多逃田未可盡括遂罷初湖廣闖折因舊制歲歛丁身
錢米大中祥符間詔除丁錢而米輸如故旣而漸次蠲
免自郭諮均稅之法罷論者謂朝廷徒恤一時之勞而

失經遠之慮至皇祐中天下墾田視景德增四十一萬
七千餘頃而稅穀乃減七十一萬八千餘石田賦不均
故其弊滋甚後田京知滄州均無棣田蔡挺知博州均
聊城高唐田歲增賦穀帛無棣總一千一百五十二聊
城高唐總萬四千八百四十七乃復詔均定遣官分行
諸路秘書丞高本在遣中獨以爲不可纔均數郡田而
止神宗元豐二年詔諸路支移折稅並具所行月日上
之中書權發三司戶部判官李琮根究逃絕稅役江浙
所得逃戶凡四十萬一千三百有奇爲書上之明年除

琮淮南轉運副使兩路凡得逃絕詭名挾佃簿籍不載并闕丁凡四十七萬五千九百有奇正稅并積負凡九十二萬二千二百貫石匹兩有奇然每遇水旱輒輕弛賦租或蠲放倚閣賦輸遠方不均皆遣使按之陝西轉運使呂大忠令農戶支移斗輸腳錢十八御史劾之乃定制均輕重之等以稅賦戶籍在第一等第二等者支移三百里三等四等二百里五等一百里不願支移而願輸道里腳價者亦酌度分爲三等以從其便徽宗崇寧二年諸路歲稔行增價折納之法民以穀菽物帛輸

欽定續通典

卷八

積負零稅者聽之又詔天下租賦科撥價折當先富後貧自近及遠乃者漕臣失職有不均之弊其定爲令支移本以便邊餉內郡罕用折變之法視歲豐稔以定物之低昂俾官吏毋得私其輕重又詔比聞慢吏廢期凡輸官之物違期促限蠶者未繇農者未獲追胥勞午民無所措自今前期督輸者加一等坐之致民逃徙者論更加等政和以後天下戶口類多不實於是立法比較鈎考歲終會其數按籍彙括脫漏又詔諸路凡奏戶口令提刑司及提舉常平司參考保奏終莫能拯其弊故

租稅亦不得而均是時國用不給凡府畿之外南暨襄
唐西及澠池北踰大河民田有溢於初券者輒使輸公
田錢宣和初州縣主吏催科失職逋租數廣令轉運司
察守貳勤惰聽專達於內侍省浙西荒田天荒草田葑
芟蕩湖澤退灘等皆計籍召佃立租以供應奉置局命
官有措置水利農田之名部使者且自督御前租課高
宗紹興元年五月詔民力久困州縣因緣爲好今頒式
諸路凡因重期不得已而貸於民者並許計所用之多
寡量物力之輕重依式開具使民通知凡稅額減去大

觀三分之一十五年戶部議准法輸官物用四鈔戶鈔
付民執憑縣鈔關縣司銷簿監鈔納官掌之住鈔倉庫
藏之所以防冒僞備毀失也繼而兩浙州縣合輸綿紬
稅絹茶絹雜錢米六色皆以市價折錢却別科米麥有
畝輸四五斗者京西括田租加於舊湖南有土戶錢折
絕錢醋息錢麵引錢各色不一荆南戶口十萬寇亂以
來幾無人迹議者希朝廷意謂流民已復可使歲輸十

二積逋至二十餘萬緡民力重困右承議郎魯冲上書

論郡邑之弊以臣前任宜興一縣言之漕計合收其名

甚繁有丁鹽坊場課利錢地錢租絲租紵錢每歲不
過一萬五千餘緡其發納之數有大軍錢上供錢糴本
錢造船錢軍器物料錢天中節銀絹錢之類歲支不啻
三萬四千餘緡又有見任奇居官請奉過徃官兵批券
州郡督索拖欠畧無虛日今之爲令者苟以寬恤爲意
而拙於催科旋踵以不職罷何暇承流宣化哉吏部侍
郎許興古言今銓曹有知縣令二百餘闕無願就者正
緣財賦督迫所以畏避如此若蠲民積欠謹擇守臣則
吏稱民安矣詔如所奏而兩浙江東西積逋悉蠲焉

欽定續通典

卷八

九

孝宗淳熙五年詔曰比年以來五穀豐登蠶絲盈箱嘉
與海內共享阜康之樂向念耕夫蠶婦終歲勤動價錢
不足以償其勞郡邑兩稅除折帛折變自有常制當輸
正色者毋以重價強之折錢臨安府刻石徧賜諸路光
宗紹熙元年臣僚言古者賦租出於民之所有不强其
所無今之爲絹者一倍折而爲錢再倍折而爲銀銀愈
貴錢愈艱得穀愈不可售使民賤糶而貴折則大熟之
歲反爲民害願詔州郡凡多取而多折者重置於罰民
有糶不售者令常平就糶異時歲歉平價以糶度於民

無傷於國有補詔從之秘書監楊萬里奏輸粟於民謂之苗舊以一斛輸一斛今以二斛輸一斛矣輸帛於官謂之稅舊以正絹爲稅絹今正絹外有和買矣舊和買官給其直或以錢或以鹽今皆無之又以絹估直而倍折其錢矣舊稅畝一錢輸免役一錢今歲增其額不知所止矣既一倍其粟數倍其帛又數倍其錢而又有月椿鐵版帳錢不知幾倍於祖宗之舊又幾倍於漢唐之制乎此猶東南之賦可知也至於蜀賦之額外無名者不可得而知也陛下欲薄賦歛當節用度用節而後財

可積財積而後國可足國足而後賦可減賦減而後民可富民富而後邦可寧也二年詔郡守縣令毋得科歛先期競務辦集理宗嘉熙二年臣僚言陛下自登大寶蠲賦之詔無歲無之而百姓未霑實惠蓋民輸率先期歸於吏胥攬戶乃遇詔下則所放者吏胥之物所倚闕者攬戶之錢是以寬恤之詔雖頒然民未霑惠嘗觀漢史恤民之詔多減明年田租今宜倣漢故事如遇朝廷行大惠則以今年下詔明年減租示民先知減數則吏難爲欺民慶實賜矣從之淳祐八年監察御史崇政殿

說書陳求魯奏本朝仁政有餘而王制未備今之兩稅
本大厯之弊法也常賦猶足困民况預借乎以百畝之
家計之罄其永業豈足支數年之借操縱出於權宜官
吏得以簸弄公私俱困臣愚謂今日救弊之策其大端
有四焉宜採夏侯太初併省州縣之議俾縣令得以直
達於朝廷用宋元嘉六年爲斷之法俾縣令得以究心
於撫字法藝祖出朝紳爲令之典以重其權遵光武擢
卓茂爲三公之意以激其氣然後爲之正其經界裁其
橫斂則預借可革民亦獲利矣議者以爲切於當時之

欽定續通典

卷八

十一

弊然宋自南渡以後川蜀之賦最重科斂繁多有諸路
常平司坊場錢激賞絹奇零絹估錢布估錢常平積年
本息對糴米及他酒鹽諸名色錢大抵於常賦外歲增
錢二千六十八萬緡而茶不預焉軍儲稍充蜀民始困
後雖屢經蠲減而其弊不去天下諸郡每年常貢京畿
路開封府貢方紋綾方紋紗蘆席麻黃酸棗仁京東路
青州貢仙紋綾梨棗密州貢絹牛黃濟南府貢綿絹陽
起石防風沂州貢仙靈脾紫石英茯苓鍾乳登州貢金
牛黃石器萊州貢牛黃海藻牡蠣石器濰州貢絳絲素

繩淄州貢綾防風長理石淮陽軍貢絹應天府貢絹襲
慶府貢大花綾墨雲母紫石英防風茯苓徐州貢雙絲
綾緇絹興仁府貢絹葶蔴子東平府貢絹阿膠濟州貢
阿膠單州貢蛇床防風濮州貢絹京西路襄陽府貢麝
香白穀漆器鄧州貢白菊花隨州貢絹綾葛覆盆子金
州貢麩金麝香枳殼實杜仲白膠香黃藥房州貢麝香
紵布鍾乳石筭均州貢麝香唐州貢絹河南府貢蜜蠟
磁器潁昌府貢絹蓆席鄭州貢絹滑州貢絹孟州貢梁
米蔡州貢綾淮寧府貢紬絹順昌府貢紬綿綿汝州貢

欽定續通典

卷八

七

純絹信陽軍貢紵布河北路大名府貢花絹綿紬平紬
紫草關德府貢葦蔴席南粉滄州貢大紬大柳箱冀州
貢絹河間府貢絹博州貢平絹棣州貢絹鄭州貢綿雄
州貢紬霸州貢絹德州貢絹濱州貢絹思州貢白鹽承
靖軍貢簾絹清州貢絹信安軍貢絹保定軍貢純真定
府貢羅相州貢暗花牡丹花紗知母胡粉絹建德府貢
白紵簾衛州貢絹綿洛州貢紬涿州貢絹祁州貢花純
慶源府貢絹綿保州貢絹安肅軍貢素純廣信軍貢紬
順安軍貢絹河北路太原府貢大銅鑿甘草人參礬石

隆德府貢人參蜜墨平陽府貢蜜蠟燭絳州貢防風蠟
燭墨澤州貢白石英禹餘糧人參代州貢麝香青礫忻
州貢解玉砂麝汾州貢土絕石膏遼州貢人參憲州貢
麝香嵐州貢麝香石州貢蜜蠟隰州貢蜜蠟麟州貢柴
胡府州貢甘草豐州貢甘草柴胡威勝軍貢土絕平定
軍貢絹岢嵐軍貢絹寧化軍貢絹火山軍貢柴胡保德
軍貢絹陝西路京兆府貢韉氈蠟席酸棗仁地骨皮解
州貢鹽花陝州貢紬純括蕞根栢子仁商州貢麝香枳
殼實虢州貢麝香地骨皮硯同州貢白蔴蘂生熟乾地

欽定續通典

卷八

十三

黃華州貢茯苓細辛茯神耀州貢竅器延安府貢黃蠟
麝香鄜州貢麝香後改貢蠟燭坊州貢弓絃麻席保安
軍貢毛段菴蓉慶陽府貢紫茸白花氈麝香黃蠟環州
貢甘草邠州貢火筴華豆剪刀寧州貢菴間荆芥硯席
秦州貢席芎藭鳳翔府貢蠟燭榛實席成階州貢羚羊
角蠟燭渭州貢紬菴蓉涇州貢紫茸毛氈段原州貢甘
草德順軍貢甘草鎮戎軍貢白氈熙州貢毛氈段麝香
鞏州貢麝香蘭州貢甘草兩浙路臨安府貢綾藤紙紹
興府貢越綾輕紗紙平江府貢烏蛇床子白石脂花席

鎮江府貢羅綾湖州貢白紵婺州貢綿藤紙慶元府貢
綾乾山蘋烏賊魚骨常州貢白紵紗席瑞安府貢鮫魚
皮蠲糖紙台州貢甲香鮫魚皮處州貢綿黃連衢州貢
綿藤紙建德府貢白紵篔簹興府貢綾淮南路揚州貢
白苧布莞席銅鏡亳州貢蠲紗絹宿州貢絹楚州貢苧
布海州貢絹獐皮鹿皮泰州貢隔織滁州貢絹興州貢
麻紙通州貢獐皮鹿皮鱧膠安東州貢葛布石斛廬州
貢紗絹蘄州貢苧布簞安慶府貢白木濠州貢絹糟魚
光州貢石斛葛布黃州貢苧布連翹無爲州貢絹江寧

欽定續通典

卷八

十四

府貢筆寧國府貢紵布黃連筆徽州貢白苧紙池州貢
紙紅白薑饒州貢麩金竹篔信州貢蜜葛粉水晶器太
平州貢紗南康州貢茶芽廣德軍貢茶芽隆興府貢葛
江州貢雲母石斛贛州貢白苧吉州貢苧布袁州貢紵
布撫州貢葛瑞州貢紵興國軍貢紵南安軍貢紵臨江
軍貢絹建昌軍貢絹荆湖南北路江陵府貢綾紵碧澗
茶芽柑橘鄂州貢銀德安府貢青紵常德府貢紵布練
布澧州貢五加皮芒硝杜若峽州貢綾竹篔岳州貢紵
歸州貢紵辰州貢硃砂水銀沅州貢硃砂水銀靖州貢

白絹潭州貢葛茶衡州貢麩金犀通州貢白苧零陵香
永州貢葛石燕郴州貢紵寶慶府貢犀角銀全州貢葛
零陵香桂陽軍貢銀福建路福州貢荔枝鹿角菜紫菜
建寧府貢火箭石乳龍茶元豐貢龍鳳等茶泉州貢松
子元豐貢綿蕉葛橄欖淳祐貢苧布南劍州貢土苧香
元豐貢茶漳州貢甲香鮫魚皮柑橘汀州貢蠟燭邵武
軍貢紵興化軍貢綿葛布成都府路成都府貢花羅錦
高紵牋紙眉州貢春羅單絲羅綿州貢綾紵布漢州貢
紵布嘉定府貢麩金邛州貢絲布簡州貢綿紵金黎

欽定續通典

卷八

五

州貢紅椒雅州貢麩金茂州貢麝香威州貢當歸羌活
仙井監貢苦藥子續隨子潼州府路潼州府貢綾曾青
空青遂寧府貢擣菹綾順慶府貢絲布天門冬資州貢
麩金普州貢葛天門冬昌州貢麩金絹敘州貢葛合州
貢牡丹皮白藥子榮州貢班布渠州貢綿紵買子木懷
安軍貢紵寧西軍貢絹利州路興元府貢胭脂紅花利
州貢金錕鐵洋州貢隔織閬州貢蓮綾隆慶府貢巴戟
巴州貢綿紵沔州貢蜜蠟蓬州貢紵絲綾綿紵鎮州貢
麩金羚羊角夔州路紹慶府貢硃砂蠟施州貢黃連沒

藥咸淳州貢綿紬萬州貢金木藥子開州貢白紵達州
貢紬涪州貢絹重慶府貢葛布牡丹皮雲安軍貢絹梁
山軍貢綿大寧監貢蠟廣南東路廣州貢胡椒石髮糖
霜檀香肉豆蔻丁香母子零陵香補骨脂舶上茴香沒
藥沒石子元豐貢泥香甲香詹糖香石斛龜殼水馬鬣
皮藤簞韶州貢絹鍾乳循州貢絹藤潮州貢蕉布甲香
鮫魚皮連州貢苧布官桂元豐貢鍾乳梅州貢銀布南
雄州貢絹英德府貢紵布賀州貢銀封州貢銀肇慶府
貢銀石硯新州貢銀德慶府貢銀南恩州貢銀惠州貢

欽定續通典

卷八

七

甲香藤箱廣南西路靜江府貢銀桂心容州貢銀硃砂
邕州貢銀融州貢金桂心象州貢金藤器穗子昭州貢
銀梧州貢銀藤州貢銀龔州貢銀潯州貢銀柳州貢銀
貴州貢銀慶遠府貢生豆蔻草豆蔻元豐貢銀賓州貢
銀藤器橫州貢銀化州貢銀高良薑高州貢銀雷州貢
高良薑元豐貢斑竹欽州貢高良薑蕩翠毛白州貢銀
縮砂鬱林州貢縮砂廉州貢銀瓊州貢銀檳榔南寧軍
貢高良薑元豐貢銀萬安軍貢銀吉陽軍貢高良薑

欽定續通典卷九

食貨

賦稅下 遼 金 元 明

遼賦稅之制自太祖任韓延徽始制國用太宗籍五京戶丁以定賦稅聖宗太平七年詔諸在屯者力耕公田不輸稅賦此公田制也十五年募民耕灤河曠地十年始納租此在官閑田制也又詔山前後未納稅戶並於密雲燕樂兩縣占田置業入稅此私田制也各部大臣從上征伐俘掠人戶自置郭郭爲頭下軍州凡市井之

欽定續通典

卷九

一

賦卽歸之此頭下軍州賦制也其餘若南京歲納三司鹽鐵錢折絹大同歲納三司稅錢折粟又開遠軍民歲輸稅向例斗粟折五錢耶律穆濟守郡時表請折六錢各隨地異宜當時稱爲利民之政焉

金制官地輸租私田輸稅其輸租之制不傳大率分田之等爲九而差次之夏稅畝取三合秋稅畝取五升又納秸一束每束計十有五劬夏稅六月至八月止秋稅十月至十二月止分爲初中末三限州三百里以外者紆其期一月屯田戶佃官地者有司移明安穆昆督之

章宗泰和五年改秋稅以十一月爲初限中都西京北京上京遼東臨潢陝西地寒稼穡遲熟夏稅以七月爲初限凡輸送粟麥在三百里外者石減五升以上每三百里遞減五升粟折秸百秤者百里內減三秤二百里減五秤不及三百里減八秤三百里及輸本色藁草各減十秤計民田園邸舍車乘牧畜種植之資藏鏹之數徵錢有差謂之物力錢遇差科必按版籍先及富者勢均則以丁多寡定甲乙其或不可分析者率以次戶濟之宣宗興定四年鎮南軍節度使溫特赫思敬上書言

欽定續通典

卷九

二

今民輸稅其法大抵有三上戶輸遠倉中戶次之下戶最近然近者不下百里遠者數百里計道路之費倍于所輸而雨雪有稽違之責遇賊有死傷之患不若止輸本郡令有司檢算倉之所積稱屯兵之數使就食之若不足則增歛于民民計所歛不及道里之費將欣然從之矣此外又有牛頭稅卽牛具稅明安穆昆部女直戶所輸稅也其制每耒牛三頭爲一具限民口二十五受田四頃四畝有奇歲輸粟不過一石官民占田無過四十具太宗天會三年以歲稔官無儲積無以備饑饉

詔令一畝賦粟一石每穆昆別爲一廩貯之四年詔內地諸路每牛一具賦粟五斗爲定制世宗大定元年詔諸明安不經遷移者徵牛具稅粟卽命穆昆監其倉有虧損則坐之二十三年以版籍歲久貧富不同明安穆昆又皆年少不練時事一旦軍興按籍徵之必有不均之患乃令驗實推排閱其戶口畜產之數尚書省詳定入奏

元之取民大率以唐爲法其取於內郡者曰丁稅曰地稅此倣唐之租庸調也取於江南者曰秋稅曰夏稅此欽定續通典

卷九

三

倣唐之兩稅也丁稅地稅之法自太宗始行之初每戶科粟二石後又以兵食不足增爲四石至丙申年乃定科徵之法令諸路驗民戶成丁之數每丁歲科粟一石驅丁五升新戶半之老幼不與其間有耕種者或驗其牛具之數或驗其土地之等徵焉丁稅少而地稅多者納地稅地稅少而丁稅多者納丁稅工匠僧道驗地官吏商賈驗丁虛配不實者罪之仍命歲書其數於冊由課稅所申省以聞世祖申明舊制于是輸納之期收受之式關防之禁會計之法莫不備焉中統二年命遠倉

之糧止于沿河近倉輸納每石帶收腳價中統鈔三錢
或民戶赴河倉輸納者每石折輸輕賚中統鈔七錢五
年詔僧道儒人等凡種田者白地每畝輸稅三升水地
每畝五升軍站戶除地四頃免稅餘悉徵之至元三年
詔寫戶種田他所者其丁稅于附籍之郡驗丁其地稅
于種田之所驗地漫散之戶逃于河南等路者依見居
民戶納稅八年又定西夏中興路西寧州烏梁海三處
之稅其數與前僧道同十七年遂命戶部大定諸例全
科戶丁稅每丁粟三石驅丁粟一石每畝粟三升減半

欽定續通典

卷九

四

科戶丁稅每丁粟一石新收交參戶第一年五斗第三
年一石二斗五升第四年一石五斗第五年一石七斗
五升第六年入丁稅協濟戶丁稅每丁粟一石地稅每
畝粟三升隨路近倉輸粟如在遠倉每粟一石折納輕
賚鈔二兩富戶輸遠倉下戶輸近倉每石帶納鼠耗三
升分例四升凡糧到倉以時收受其輸納之期分爲三
限初限十月中限十一月末限十二月成宗大德六年
申明稅糧條例復定上都河間輸納之期上都初限以
次年五月中限六月末限七月河間初限九月中限十

月未限十一月至於秋稅夏稅之法惟行於江南初世祖平宋時除江東浙西其餘獨徵秋稅而已至元十九年用姚元之請命江南稅糧依宋舊例折輸絹雜物尋又令輸米三之一餘並折鈔以七百萬爲率歲得美鈔十四萬錠其輸米者止用宋斗斛蓋以宋一石當七斗故也二十八年又命江淮寺觀田宋時舊有者免租續置者輸稅至成宗元貞二年始定徵江南夏稅之制于是秋稅止命輸租夏稅則輸木綿布絹絲綿等物其所輸視糧之數每糧一石者輸鈔自三貫以至一貫五

欽定續通典

卷九

五

百文有差輸三貫者若江浙省婺州等路江西省龍興等路輸一貫者若福建省泉州等五路輸一貫五百文者若江浙省紹興路福建省漳州等五路皆因其地利之宜人民之衆酌其中數而取之其折輸之物各隨時估之高下以爲值獨湖廣則異於是初阿爾哈雅克湖廣時罷宋夏稅依中原例改科門攤每戶一貫二錢視夏稅約增鈔五萬餘錠大德三年改門攤爲夏稅而併徵之每石計三貫四錢有贏視江浙江西爲差重云其在官之田許民佃種若江北兩淮等處荒閑之地令佃

至第三年輸租後又以地廣人稀更寬令第四年始輸凡係官田則夏稅皆不科泰定之初又有所謂助役糧者其法命江南民戶有田一頃以上者於所輸稅外每頃量出助役之費具書於冊里正以次掌之歲收其入凡寺觀田除宋舊額其餘亦驗其多寡令出助役焉天下歲入糧數腹裏二百二十七萬一千四百四十九石江浙省四百四十九萬四千七百八十三石江西省一百十五萬七千四百四十八石湖廣省八十四萬三千七百八十七石遼陽省七萬二千六十六石河南省二百五十九萬一千二百六十九石四川省十一萬六千五百七十四石陝西省二十二萬九千二十三石甘肅省六萬五百八十六石雲南省二十七萬七千七百十九石其江浙等三省夏稅以天厯元年鈔數計之江浙省五萬七千八百三十錠四十貫江西省五萬二千八百九十五錠十一貫湖廣省一萬九千三百七十八錠二貫此外復有科差之法其名有二曰絲料曰包銀各驗其戶之上下而科焉絲料之法太宗丙申年始行之每二戶出絲一筋并隨路絲線顏色輸于官包銀之

法憲宗乙卯年始定每包銀四兩一半輸銀其半折收
絲絹等物至世祖中統元年立十滌宜撫司定戶籍科
差條例然戶各不一有元管戶交參戶漏籍戶協濟戶
于諸戶之中又有絲銀全科戶減半科戶止納絲戶止
納鈔戶外又有攤絲戶有儲伊蘇岱爾所管納絲戶復
業戶并漸成丁戶戶既不等數亦不同至絲料包銀之
外又有俸鈔之科其法亦以戶之高下爲等全科戶輸
一兩減半戶輸五錢于是以合科之數作門攤分爲三
限輸納如有被災之地聽輸他物折焉其物各以時估

爲則凡儒士及軍站僧道等戶皆不與二年復定科差
之期絲料限八月包銀初限八月中限十月末限十二
月三年又命絲料限無過七月包銀限無過九月及平
江南其制益廣至元二十八年以至元新格定科差法
諸差稅皆司縣正官監視人吏置局均科諸夫役皆先
富強後貧弱其貧富等者先丁多之戶後丁少之戶成
宗大德六年又定絲料限八月包銀俸鈔限九月布限
十月大率因世祖之舊而增損之云科差總數以中統
四年計之絲七十一萬二千一百七十一觔鈔五萬六

千一百五十八錠其後逐年遞增逮及至元四年祿一
百九萬六千四百八十九錠鈔七萬八千一百二十六
錠天厯元年包銀差發總數凡鈔九百八十九錠貳一
百十三萬三千一百十九索絲一百九萬八千八百四
十三錠絹三十五萬五百三十疋綿七萬二千十五錠
布二十五萬一千二百二十三疋

明制賦役之法一以黃冊爲準冊有丁有田丁有役田
有租曰夏稅曰秋糧凡二等夏稅無過八月秋糧無過
明年二月丁曰成丁曰未成丁凡二等役曰里甲曰均

欽定續通典

卷九

八

徭曰雜泛凡三等以戶計曰甲役以丁計曰徭役上命
非時曰雜役皆有力役有雇役兩稅洪武時夏稅曰米
麥曰錢鈔曰絹秋糧曰米曰錢鈔曰絹弘治時會計之
數夏稅曰大小米麥曰麥苽曰絲綿并荒絲曰稅絲曰
絲綿折絹曰稅絲折絹曰本色絲曰農桑絲折絹曰農
桑零絲曰人丁絲折絹曰改科絹曰綿花折布曰苧布
曰土苧曰紅花曰麻布曰鈔曰租鈔曰稅鈔曰原額小
絹曰幣帛絹曰本色絹曰絹曰折色絲秋糧曰米曰租
鈔曰賃鈔曰山租鈔曰租絲曰租絹曰租粗麻布曰課

程棉布曰租苧布曰牛租米穀曰地畝棉花絨曰棗子
易米曰棗株課米曰課程苧麻折米曰棉布曰魚課米
曰改科絲折米萬曆時小有所增損大略以米麥爲主
而絲絹與鈔次之夏稅之米唯江西湖廣廣東廣西麥
菽唯貴州農桑絲遍天下唯不及川廣雲貴餘各視其
地產此明代賦役制之大槩也太祖初立國卽下令凡
民田五畝至十畝者栽桑麻木棉各半畝十畝以上倍
之麻畝徵八兩木棉畝四兩栽桑以四年起科不種桑
出絹一疋不種麻及木棉出麻布棉布各一疋此農桑

欽定續通典

卷九

九

絲絹所由起也洪武九年天下稅糧令民以銀鈔錢絹
代輸銀一兩錢千文鈔十貫皆折輸米一石小麥則減
直斗之二棉苧一疋折米六斗麥七斗麻布一疋折米
四斗麥五斗絲絹等各以輕重爲損益願輸米者聽十
七年雲南以金銀貝布漆丹砂水銀代秋租於是謂米
麥爲本色而諸折納稅糧者謂之折色越二年又令戶
部侍郎楊靖會計天下倉儲存糧二年外並收折色唯
以北方諸布政司需糧餉邊仍使輸粟三十年諭戶部
自二十八年以前天下逋租咸許任土所產折收米絹

棉花及金銀等物著爲令於是戶部定鈔一錠折米一石金一兩十石銀一兩二石絹一疋石有三斗棉木一疋一石苧布一疋七斗棉花一斤二斗帝曰折收逋賦蓋欲蘇民困也今賦重若此將愈困民金銀每兩折米加一倍鈔止二貫五百文折一石餘從所議成祖永樂中旣得交趾以絹漆蘇木翠羽紙扇沉速安息諸香代租賦廣東瓊州黎人肇慶徭人內附輸賦比內地天下本色稅糧三千餘萬石絲鈔等二千餘萬計是時米粟自輸京師數百萬石外府縣倉廩蓄積豐滿歲貢銀三

欽定續通典

卷九

十

十萬兩有奇而民間交易用銀仍有厲禁英宗正統元年副都御史周銓言行在各官俸支米南京道遠用度甚多輒以米易貨貴賤售十不及一朝廷虛糜廩祿各官不得實惠請於南畿浙江江西湖廣不通舟楫地折收布絹白金解京克俸江西巡撫趙新亦以爲言戶部尚書黃福復條以請帝以問行在戶部尚書胡濙濙對以太祖嘗折納稅糧於陝西浙江民以爲便遂倣其制米麥一石折銀二錢五分南畿浙江江西湖廣福建廣東廣西米麥共四百餘萬石折銀百萬餘兩輸內承

運庫謂之金花銀其後槩行於天下自起運兌軍外糧
四石收銀一兩解京以爲永例諸方賦稅折銀而倉廩
之積漸少矣明初官民田賦凡官田畝稅五升三合民
田減二升重租田八升五合五勺沒官田一斗二升唯
蘇松嘉湖籍諸豪族及富民田以爲官田按私租簿爲
稅額而司農卿楊憲又以浙西地膏腴增其賦畝加二
倍故浙西官民田視他方倍蓰畝稅有二三石者洪武
十三年命戶部裁其額畝科七斗五升至四斗四升者
減十之二四斗三升至三斗六升者俱止徵三斗五升

欽定續通典

卷九

十一

其以下者仍舊惠帝建文二年詔曰江浙賦獨重而蘇
松準私租起科特以懲一時頑民豈可爲定則以重困
一方宜悉與減免畝不得過一斗成祖革建文政浙西
之賦復重宣宗卽位廣西布政使周幹巡視蘇常嘉湖
諸府民多逃亡詢之耆老皆云重賦所致如吳江崑山
民田租舊畝五升小民佃種富民田畝輸私租一石復
因事故輸官輒如私租例盡取之十分取八民猶不堪
况盡取乎請將沒官田及公侯還官田租俱視彼處官
田起科畝稅六斗宣德四年令江南府縣官督察各屬

糧屯

按明洪武四年令天下有司度民田以萬石爲準設糧長一名專督其鄉賦稅

凡有倚恃

富豪交結有司承攬軍需買辦移用米糧假以風濤漂

流爲詞重復追徵者重加究治又令推陞郎中員外及

御史長史等六員爲各部侍郎分往浙江江南湖廣河

南山東山西等布政司并南北直隸府州縣督收稅糧

五年二月詔舊額官田租畝一斗至四斗者各減十之

二四斗一升至一石以上者減十之三著爲令於是江

南巡撫周忱等曲計減蘇糧七十餘萬他府以爲差正

統元年令蘇松浙江等處官田準民田起科糧四斗一

欽定續通典

卷九

七

升至一石以上者減作三斗二斗一升以上至四斗者

減作二斗一斗一升至二斗者減作一斗景帝景泰十

三年奏准兩京農桑夏稅絹疋不及五十疋以上者俱

送該府掌印官看驗又令各司府州縣夏稅農桑絹疋

務織造緊密厚重雙經雙緯淨織紗尺長三丈二尺闊

二尺每五十疋作一束印封糧長大戶人等赴部交納

天順時令鎮守浙江尚書孫原貞等定杭嘉湖則例以

起科重者徵米宜少起科輕者徵米宜多乃定官田畝

科一石以下民田七斗以下者每石歲徵平米一石二

斗民田四斗以下者每石歲徵平米一石五斗官田二斗以下民田二斗七升以下者每石歲徵平米一石七斗官田八升以下民田七升以下者每石歲徵平米二石二斗凡重者輕之輕者重之欲使科則適均而畝科一石之稅未嘗減云世宗嘉靖二年御史黎貫言國初夏秋二稅麥四百七十餘萬石今少九萬米二千四百七十餘萬石今少二百五十餘萬而宗室之蕃官吏之冗內官之衆軍士之增悉取給其中賦稅則日損支用則日加請覈祖宗賦額及經費多寡之數一一區畫於

欽定續通典

卷九

十三

是戶部議令天下官吏考滿遷秩必嚴覈任內租稅徵解足數方許給由交代仍乞朝廷躬行節儉帝納之既而諭德顧鼎臣條上錢糧積弊四事一曰察理田糧舊額請責州縣官於農隙時令里甲等做洪武正統間魚鱗風旗之式編造圖冊細列原額田糧字圩則號條段坍荒成熟步口之數官爲覆勘分別界址履畝檢踏丈量具開墾改正豁除之數刊刻成書收貯官庫給散里中永爲稽考一曰催徵歲辦錢糧成引以前里甲催徵糧戶上納糧長收解州縣監收糧長不敢多收斛面糧

戶不敢雜以水穀糠粃兌糧官軍不敢阻難多索近者
有司不復比較經催里甲負糧人戶但立限追比糧長
令下鄉追徵豪強者則大斛倍收多方索取孱弱者爲
勢豪所凌不免變產補納至或舊役侵欠責償新簽且
往時每區糧長不過正副二名近多至十人以上其實
收掌管糧之數少而科斂打點使用年例之數多州縣
一年之間輒破中人百家之產害莫大焉宜令戶部議
定事例轉行所司審編糧長務遵舊規又其二則遣官
綜理及復預備倉法也時議雖不行切中時弊至十八

年鼎臣爲大學士復言蘇松常鎮嘉湖杭七府供輸甲
天下而里胥豪右蠹弊特甚宜將欺隱及坍荒田土一
一檢覈改正於是應天巡撫歐陽鐸檢荒田二千餘頃
計租十一萬石有奇以所欺隱田糧六萬餘石補之餘
請豁免時嘉興知府趙瀛建議田不分官民稅不分等
則一切以三斗起徵鐸乃與蘇州知府王儀盡括官民
田裒益之履畝清丈定爲等則所造經賦冊以八事定
稅糧曰元額稽始曰事故除虛曰分項別異曰歸總正
實曰坐派起運曰運餘撥存曰存餘考積曰徵一定額

又以八事考里甲曰丁田曰慶賀曰祭祀曰鄉飲曰科
賀曰郵政曰公費曰備用以三事定均徭曰銀差曰力
差曰馬差著爲例徵一者總徵銀米之凡而計畝均輸
之其科則最重與最輕者稍以耗損益推移重者不能
盡損唯遞減耗米派輕賫折除之陰予以輕輕者不能
加益爲徵本色遞增耗米加乘之陰予以重時豪右多
梗其議鼎臣獨以爲善顧其時上不能損賦額長民者
私以己意變通由是官田不至偏重而民田之賦愈加
矣時又有綱銀一串鈴諸法綱銀者舉民間應役歲用

欽定續通典

卷九

五

丁四糧六總徵之易知而不繁猶綱之有綱也一串鈴
則夥收分解法也自是民間輸納止收本色及折色銀
矣穆宗隆慶元年十月巡按御史董堯封奏查出蘇松
常鎮四府投詭田一百九十九萬五千四百七十畝花
分田三百三十一萬五千五百六十畝因條上便宜事
一議丈量二定糧冊三均糧役四明優免五平均徭六
裁供億七申法守八嚴責成戶部覆丈量均賦私兌恐
煩擾難行優免雖有定例但吳中起科甚重若止論糧
石似爲不均宜視田畝之數爲差其餘悉如議報可戶

部又覆應天撫臣林潤奏復糧額議改折二事謂各省糧額俱以夏稅秋糧馬草爲正賦差徭編增爲雜派唯是蘇松諸郡不分正雜而混徵之名曰平米其中如馬役料價義役原非戶部之加增如輕賫脚米戶口鹽鈔亦非額糧之正數雜派漸多常賦遂累誠有如潤所言者宜令逐項清查舊額所徵之數通行造冊送部以憑裁減至於兩京各衙門俸銀改折之議則當斟酌輕重事難盡從蓋南京水陸四道米穀饒裕便於改折若一槩施之北地亦或未便請將南京各衙門官吏人等月

糧及嘉靖四十年以前積欠京儲盡行改折每石七錢在北者量折十分之二每石一兩米貴仍復本色從之四年巡撫保定朱大器條陳田賦五弊言祖宗時糧有定額當全徵也近年務爲姑息遂謂完及八分者官得轉遷是卽無災祲輒自蠲二分矣卽二分之數而類計之一郡千計十郡萬計積而上之可知也弊一糧有定數當完解也近年創爲截解之法官吏藉已完者以邀虛聲姦民視後納者以爲得計所解者少所負者多兼以糧長之侵欺吏胥之漁獵其弊不可勝窮弊二國家

存留糧係宗藩所在則抵補祿米無宗藩則數多餘羨
今之官府率以不急視之勾管無專官歲會無定法祇
以爲奸民之利而已弊三官必任事而後食祿軍必在
伍而後支餉此定制也今官有遷代軍有逃亡而俸廩
未聞扣減則必有侵冒者矣弊四屯田在邊鄙則多拋
荒在腹裏則多欺隱地與糧俱失舊額久矣議者不察
乃爲兌支之說夫官爲收支其權猶在上也若聽其私
兌則地之埋沒數之虛報者曷從稽考弊五以上五弊
皆今日所當釐正者部覆詔如議六年南京河南道御

史陳堂奏言國制十年大造黃冊凡戶口田賦事役新
舊登耗之數無不備載所以重國本而存故實也今沿
襲弊套取應虛文奸吏得以那移豪強因之影射其弊
不可勝窮蓋有司徵錢糧編徭役者爲一冊名白冊
而所解後湖之黃冊又一冊也有司但以白冊爲重其
於黃冊唯付之里胥任其增減凡錢糧之完欠差役之
重輕戶口之消長名實相懸曾不得其彷彿卽解至後
湖而清查者以爲不謬於舊冊斯已矣竊謂欲理圖籍
必專責成必嚴綜覈夫書算豪猾類非守令之法所能

制也頃蘇松常鎮添設督糧通政一員請賜之敕責令兼理黃冊事務凡人丁事產悉照白冊攢造其欺隱脫漏者如例問遣駁回者依限完報田至十萬畝以上者做古限田之法量爲裁抑如勢要阻撓有司阿縱聽撫按官叅奏庶冊籍清而賦役可均部覆詔如議然自嘉靖以後國用不足屢行加派後乃行一條鞭法一條鞭法者總括一州縣之賦役量地計丁丁糧畢輸於官一歲之役官爲僉募力差則計其工食之用量爲增減銀差則計其交納之用加以增耗凡額辦派辦京庫歲需

欽定續通典

卷九

六

與存留供億諸用度以及土貢方物悉併爲一條皆計畝徵銀折辦於官故謂之一條鞭立法頗爲簡便其天下每年常貢按明初有土貢方物中葉以後悉計畝徵銀折辦於官所貢者唯茶藥野味及南京起運雜物而已南直隸宜興縣貢茶一百觔廬州府六安州貢

茶三百觔廣德州貢茶七十五觔建平縣貢茶二十五觔浙江湖州府長興縣貢茶三十五觔紹興府嵊縣貢茶八觔會稽縣貢茶三十二觔温州府永嘉縣貢茶一十觔樂清縣貢茶一十觔杭州府臨安縣貢茶二十觔富陽縣貢茶二十觔寧波府慈谿縣貢茶二百六十觔

處州府麗水縣貢茶二十觔金華縣貢茶二十二觔衢
州府龍遊等縣貢茶共二十觔台州府臨海等縣貢茶
一十五觔嚴州府建德縣貢茶五觔淳安縣貢茶五觔
遂安縣貢茶三觔壽昌縣貢茶三觔桐廬縣貢茶二觔
分水縣貢茶一觔江西南昌府貢茶七十五觔南康府
貢茶二十五觔贛州府貢茶一十一觔袁州府貢茶一
十八觔臨江府貢茶四十七觔九江府貢茶一百二十
觔瑞州府貢茶三十觔建昌府貢茶二十三觔撫州府
貢茶二十四觔吉安府貢茶一十八觔廣信府貢茶二

欽定續通典

卷九

九

十二觔饒州府貢茶二十七觔南安府南康縣貢茶一
十觔湖廣武昌府貢茶六十觔岳州府湘陰縣貢茶六
十觔寶慶府邵陽縣貢茶二十觔武岡州貢茶二十四
觔新化縣貢茶十八觔長沙府安化縣貢茶二十二觔寧
鄉縣貢茶二十觔益陽縣貢茶二十觔福建建寧府建
安縣貢茶一千三百五十四觔內探春二十一觔先春
六百四十三觔次春二百六十二觔紫笋二百二十七
觔薦新二百一觔崇安縣貢茶九百九十一觔內探春
三十三觔先春三百八十觔次春一百五十觔薦新四

百二十八觔又寧國府宣城縣貢木瓜三千三百枚廣西思明府貢消毒藥五百三十四味四川成都府貢藥材七味又南京每年起運各物司禮監制帛一起筆料一起鮮梅四十扛或三十五扛枇杷四十扛或三十五扛楊梅四十扛或三十五扛尚膳監筍四十五扛鱒魚二起各四十四扛守備處鮮椒欖等五十五扛鮮茶十二扛木樨十二扛石榴柿子四十五扛甘橘甘蔗五十扛尚膳監天鷲等二十六扛醃菜薑等一百三十二罈筍一百一十罈乾鱒魚等物一百二十罈紫蘇糕等物

欽定續通典

卷九

三

二百四十八罈木樨花煎等物一百五罈鷓鴣等物十五扛司苑局葶薺七十扛苗薑一百擔薑種芋頭等物八十扛十樣菓一百四十扛魚藕六十五扛內府供用庫香稻五十扛苗薑等物一百五十五扛十樣菓一百一十五扛御馬監苜蓿種四十扛又各直省辦貢野味一萬四千五百一十四隻活鹿二百六十七隻活天鷲三百二十隻雜皮二十四萬七百六十一張翎毛二千二百七十六萬六千五百五十根

欽定續通典卷十

食貨

戶口丁中

五代

宋

遼

金

元

非

上

下

臣等謹按杜典戶口丁中各自為目而丁中仍雜

以戶口未能條分縷析今依通考之例合戶口丁

中為一凡正史所載以及他書之可以援據者備

為摭摭詳列於左又按丁中之制自唐後惟宋金

明可考五代及遼元則未詳云

五代亂亡相繼疆土分裂中原戶口之數梁唐晉漢紀

欽定續通典

卷十

一

載莫詳

梁開平二年尚書令戶部奏請詔天下州府准舊章申送戶口帳籍

李延範奏請指揮諸道府每逃戶歸業後委州司各

與公憑二年內放免兩稅差科如有違者許州論訴勸責若州縣官招得五百戶

以上乞等第獎勵從之周廣順三年敕天下州府及縣除赤縣畿縣次赤次畿外其餘三千戶以上為望縣

二千戶以上為緊縣一千戶以上為上縣五百戶以上

為中縣不滿五百戶為中下縣戶部奏據今年諸州府

所管縣戶數各定為望縣六十四緊縣七十一上縣一

百二十四中縣六十五下縣九十七顯德六年總簡戶

二百三十萬九千八百一十二此周之戶數畧可考見

者也

宋太祖建隆元年戶九十六萬七千三百五十三乾德元年令諸州歲奏男夫二十爲丁六十爲老是年平荆南得戶十四萬二千三百平湖南得戶九萬七千三百八十八三年平蜀得戶五十三萬四千三十九開寶四年平廣南得戶十七萬二百六十八年平江南得戶六十五萬五千六十五年天下主客戶三百九萬五百四太宗太平興國三年陳洪進錢俶獻閩浙諸州之地四年平太原又得戶七十三萬七千八百七十八是

欽定續通典

卷十

二

時天下旣一疆理幾復漢唐之舊而戶數不及其半歷百餘年招徠降附休養生息至神宗元豐元年天下總

四京一十八路

按元豐間又析爲二十三後復置京畿路合二十四路

戶主客一

千四百八十五萬二千六百八十四口主客三千三百三十萬三千八百八十九丁主客一千七百八十四萬六千八百七十三徽宗崇寧元年計天下增至戶二千一萬九千五十口四千三百八十二萬七百六十九視

漢唐盛時蓋有加焉政和三年詳定九域圖志蔡攸等

言天下戶口數類多不實且以河北二州言之德州主

客戶五萬二千五百九十九而口纔六萬九千三百八十五霸州主客戶二萬二千四百七十七而口纔三萬四千七百一十六通二州之數率三戶四口則戶版刻隱可知乞詔有司申嚴法令務在覈實又淮南轉運副使徐閔中言九域志在元豐間主客戶共一千六百餘萬大觀初已二千九十一萬乞詔諸路應奏戶口歲終再令提刑提舉司參考同保從之

按馬氏通考云古今戶口之盛無如崇寧

大觀之間然觀當時諸人所言則版籍殊欠覈實所載似難憑據謹附識

高宗南渡中原陝

右盡入於金所存止十五路紹興八年尚書劉大中奏
欽定續通典 卷十 三

自中原陷沒東南之民死於兵火疫癘水旱以至爲兵爲緇黃及去爲盜賊餘民之存者十無二三姦臣虐用其民誅求過數丁鹽絀絹最爲疾苦愚民寧殺子而不願輸生女者又多不舉乞守令滿日以生齒增減爲殿最又詔諸州縣鄉村五等坊郭七等以下戶及無等第貧乏之家生男女不能養贍者於常平錢內人支四貫仍委守令勸諭父老曉譬禍福若奉行如法所活數多監司保明推賞至寧宗嘉定十六年諸路主客戶一千二百六十七萬八百一口二千八百三十二萬八十五

較之崇寧蓋已減半理宗以後國勢日蹙景定五年戶部獻今年民數僅戶五百六十九萬六千九百八十九口一千三百二萬六千五百三十二而宋旋以亡此宋代戶口盛衰之數大略如此也

遼時戶口之數不甚可考據地理志所載五京道民戶

僅得五十餘萬諸州縣不可計者尚多

按遼史營衛兵衛志載有宮衛

之戶曰正戶曰蕃漢轉戶共二十萬三千丁四十萬八千又有五京鄉丁其可考見者約一百一十萬七千三百爲鄉兵并

附錄於此 太祖初年以兵四十萬攻下河東河北九郡獲其生口九萬五千伐女直獲其戶三百先是德祖

欽定續通典

卷十

四

俘奚七千戶徙饒樂之清河至是創實喇部分十三縣

五年討東西奚盡有錫忻之衆東際海南暨白檀西踰

松漠北抵潢水凡五部咸入版籍神冊元年親征突厥

吐渾黨項小番沙陀諸部俘戶一萬五千六百四年修

遼陽故城以漢民渤海戶實之十月破烏爾古部俘獲

生口一萬四千二百五年擒天德節度使宋瑤徙其民

於陰州六年分兵掠檀順安遠三河良鄉望都潞滿城

遂城俘其民徙內地十二月晉新州防禦使王郁率其

衆來降徙其衆於潢水之南又徙檀順民於東平瀋州

天贊三年五月徙薊州民實遼州地天顯三年詔遣耶律羽之徙東丹民實東平其民或亡入新羅女直因詔困乏不能遷者許上國富民給贍而隸屬之四年二月閱約尼氏戶籍太宗會同九年吐谷渾獻生口千戶大同元年四月俘晉主重貴歸順七十六處得戶一百九萬百一十八時籍上京戶丁以定賦稅聖宗統和元年南京統軍使耶律善補招宋邊七十餘村來附又招亡入宋者得千餘戶歸國詔令慰撫八年七月詔東京路併省州縣以其民分隸他郡九年七月通括戶口十三

年四月詔諸道民戶應歷以來脅徙爲部曲者仍籍州縣十四年三月詔安集朔州流民十五年正月徙梁門遂城泰州北平民於內地三月通括宮分入戶開泰二年四月詔從上京請以韓斌所括贍國達魯河奉豪等州戶二萬五千四百有奇置長霸興仁保和等十縣四年四月以耶律世良所獲于厥衆并達勒達所獲實默里部民城廬胸河上居之八年五月遷寧州渤海戶於遼土三河之間道宗咸雍時遣使括三京隱戶不得以耶律引吉代之得三千餘戶馬人望爲三司度支判官

會檢括戶口未兩旬而畢同知留守蕭保先怪而問之
人望曰民戶若括之無遺他日必長厚歛之弊大率十
得六七足矣保先謝曰君慮遠吾不及也太康九年六
月詔諸檢括脫戶罪至死者原之大安三年以民多流
亡除安泊逃戶徵償法天祚帝天慶三年籍諸道戶徙
大牢古山圍場地居民于別土八年六月通祺雙遼四
州之民八百餘戶降於金是時蕭博和哩等十五人各
率戶降於金劉宏亦以懿州戶三千降金而遼不能國
矣

欽定續通典

卷十

六

金制戶有數等有課役戶不課役戶本戶雜戶正戶監

戶官戶

按有物力者爲課役戶無者爲不課役戶女直爲本戶漢人及契丹爲雜戶明安之奴婢免爲

良者止隸本部爲正戶没入官良人隸官籍監者爲監戶没入官奴婢隸太府監者爲官戶 奴婢戶

二稅戶

金承遼制多以良民賜諸寺分其稅一半輸官一半輸寺故名二稅戶

男女二歲

以下爲黃十五以下爲小十六爲中十七爲丁六十爲

老無夫爲寡妻妾諸廢篤疾不爲丁凡戶口計帳三年

一籍自正月初州縣以里正主首明安穆昆則以寨使

詣編戶家責手實具男女老幼年與姓名生者增之死

者除之正月二十日以實數報縣二月二十日申州以

十日內達上司無遠近皆以四月二十日到部呈省漢人渤海人不得充明安穆昆戶太祖收國元年六月遼通祺雙遼等州八百餘戶來歸命分置諸部擇膏腴地處之太宗天會元年十一月徙遷濶來隰四州之民於瀋州後海陵南侵遣使籍諸路明安部族及契丹奚人不限丁數悉僉之凡二十四萬又僉中都南都中原渤海丁壯年二十以上五十以下者皆籍之凡二十七萬雖親老丁多求一子留侍亦不聽世宗大定三年詔流民未復業者增限招誘十七年五月省奏咸平府路一

欽定續通典

卷十

七

千六百餘戶自陳皆長白山錫忻察遜河女直入遼時移居於此號移典部今乞釐正詔從之二十一年六月徙銀山側民于臨潢又命避役之戶舉家逃於他所者元貫及所寓司縣官同罪爲定制二十三年奏明安穆昆戶口之數明安二百二穆昆一千八百七十八戶六十一萬五千六百二十四口六百一十五萬八千六百三十六內正口四百八十一萬二千六百六十九奴婢口一百三十四萬五千九百六十七在都宗室將軍司戶一百七十口二萬八千七百九十內正口九百八十一奴婢口二萬七千八百八德呼勒唐古一部五紉戶五千五百

八十五口十三萬七千五百四十四

內正口十萬九千四百六十三奴婢

口一萬八千八百一十四

先是大定初舉國戶纔三百餘萬至二十七年戶六百七十八萬九千四百四十九口四千四百七十萬五千八十六章

崇明昌元年奏舉國戶六百九十三萬九千口四千五百四十四萬七千九百六年奏舉

國內女直契丹漢戶七百二十二萬三千四百口四千

八百四十九萬四百泰和七年奏舉國內戶七百六十八萬四千四百三十八口四千五百八十一萬六千七

十九此金版籍之極盛也衛紹王時軍旅不息宣宗南

欽定續通典

卷十

遷所在凋敝戶口日耗軍費日急賦歛皆仰給於河南

民不堪命率棄田廬相繼亡去雖屢諭招撫卒無還者

自是戶口之數不復可紀

元代幅員既廣戶口殷繁計其盛時雖漢唐之世有不

逮焉初太宗併金得中原州郡七年下詔籍民自燕京

順天等三十六路戶八十七萬三千七百八十一口四百七十五萬四千九百七十五憲宗二年籍漢地民戶增二十餘萬世祖中統二年計天下戶一百四十一萬八千四百九十九三年天下戶一百四十七萬六千一

百一十六四年天下戶一百五十七萬九千一百十至
元元年天下戶一百五十八萬八千一百九十五年
天下戶一百五十九萬七千六百一三年天下戶一百
六十萬九千九百三十四年天下戶一百六十四萬四千
三十五年天下戶一百六十五萬三百八十六六年天
下戶一百六十八萬四千一百五十七七年天下戶一
百九十二萬九千四百四十九八年天下戶一百九十
四萬六千二百七十九年天下戶一百九十五萬五千
八百八十年天下戶一百九十六萬二千七百九十

欽定續通典

卷十

九

五十一年天下戶一百七十六萬七千八百九十八十
二年天下戶四百七十六萬四千零十三年平宋全有
版圖二十七年籍天下戶一千六百八十四萬八百有
奇於是南北之戶總書於策者一千三百一十九萬六
千二百有六口五千八百八十三萬四千七百一十有
一而山澤溪洞之民不與焉文宗至順元年戶部錢糧
戶數一千三百四十萬六千九百九十九視前世又增二十
萬有奇矣

明制戶凡三等曰民曰軍曰匠民有儒有醫有陰陽軍

有校尉有力士弓舖兵匠有厨役裁縫馬船之類瀕海有鹽竈寺有僧觀有道士畢以其業著於籍丁有二等曰成丁曰未成丁民始生籍其名曰不成丁年十六曰成丁成丁而役六十而免其人戶避徭役者曰逃戶年饑或避兵他徙者曰流民有故而出僞於外者曰附籍朝廷所徙者曰移徙凡逃戶督令還本籍復業賜復一年老弱不願歸者令在所著籍授田輸賦凡流民令勘籍編甲互保屬在所甲長管轄之設撫民佐貳官歸本者勞徠安輯給牛種口糧憲宗成化初荆襄寇亂流民

百萬湖廣巡撫項忠楊璿下令逐之死者無算祭酒騰洪謨著流民說引東晉僑置郡縣之法使近者附籍遠者設州縣以撫之都御史李賓上其說於是帝命招撫流民十二萬戶給閒田置鄖陽府立上津等縣統治之河南巡撫張瑄亦請輯西北流民凡附籍者並從其請英宗正統時令老疾致仕事故官家屬離本籍千里者許收附不及千里者發還景帝景泰中令民籍者收附軍匠竈役冒民籍者發還其移徙者明初嘗徙蘇杭嘉湖杭民之無田者四千餘戶往耕臨濠給牛種車糧以

資遣之三年不征其稅徐達平沙漠徙北平山後民三萬五千八百餘戶散處諸府衛籍爲軍者給衣糧民給田又以沙漠遺民三萬二千八百餘戶屯田北平置屯二百五十四開地一千三百四十三頃復徙江南民十四萬於鳳陽戶部郎中劉九臯言古狹鄉之民聽遷之寬鄉欲地無遺利人無失業也太祖採其議遷山西澤潞民於河北後屢徙浙西及山西民於滁和北平山東河南又徙登萊青民於東昌兗州徙直隸浙江民二萬戶於京師充倉脚夫成祖時覈太原平陽澤潞遼沁汾

丁多田少及無田之家分其丁口以實北平自是以後移徙者鮮矣又太祖初懲元季餘弊豪強侮貧弱立法多右貧抑富嘗命戶部籍浙江等九布政司應天十八府州富民一萬四千三百餘戶徙其家以實京師謂之富戶成祖時復選應天浙江富民三千戶充北京宛大二縣廂長

按明制在城曰坊近城曰廂鄉都曰里

附籍京師仍應本籍徭

役供給日久貧乏逃竄輒選其本籍殷實戶僉補宣宗

宣德間定制逃者發邊充軍官司鄉里隱匿者俱坐罪

孝宗弘治五年始免解在逃富戶每戶徵銀三兩與廂

民助役世宗嘉靖中減爲二兩以充邊餉太祖立法之意本倣漢徙富民實關中之制其後事久弊生遂爲厲階今按歷朝戶口之數增減不一其可考者洪武二十六年天下戶一千六百五萬二千八百六十口六千五百十四萬五千八百七十二弘治四年戶九百一十一萬三千四百四十六口五千三百二十八萬一千一百五十八萬曆六年戶一千六十二萬一千四百三十六口六千六十九萬二千八百五十六此明代戶口之大略也

欽定續通典

卷十

七



